



Шоноо эл, порымиз да гим берр!

Будь готов/

ЯМДЕ ЛИЙ

1933 ий 1 февраль годсек лектеш.



Тений Марий
Эльзите 9-ше
классым 6649
Ўдыр-рвезе да 11-
ше классым 2939
выпускник
тунем пыта-
реныт.

Шонымашет шукталтше, выпускник!



С.МАКСИМОВАН фотожо.



Шернур район Марисола школышто 11-ше классым тунем пытарыше 12 ўдыр-рвезылан 1-ше классыште тунемше Карина Яндемирова, школ да йоча пагыт дене чеверласыме тат лишеммым шижтарен, пытартыш йынгырым шергылтарен. Выпускник-влак латик ий жапыште келге шинчымашым налме дене пырля школын чапшым түрлө тагасымаште, олимпиадыште араленыт. Нунын кокла гыч Марина Лукияновам, Анна Соловьевам, Андрей Максимовым, Анжела Конаковам, Кирилл Яриковым (снимкыште) поснак палемдыман. Марина,

Анна, Андрей шымлыме пашаште ятыр сенгымашке шуыныт. Мураш, кушташ, мыскарам ышташ, почеламутым сылнын лудаш мастер улыт. Анжела шочмо марий йылмым ик эн сайын пала: республикысе да регион-влак кокласе олимпиадылаште сенгыше лийын. Кирилл – спорт туризм дене республикысе командын енге. «Лўдыкшыдымылык школ» тагасымаште – эреак сенгыше радамыште.

Икешлыше экзаменым чаплын кучен, ўдыр-рвезе-влак түрлө вере тунемаш пураш шонат. Шонымашда шукталтше, выпускник-влак!

Л.ГРИГОРЬЕВА.



Сылнымутышто уло алмаштыш

15 майыште «Россий писатель ушем» мер организацийын Марий Эл Республикасые пӧлкаже самырык-влаклан Пошкырт кундем Мишкан селаште «Сылнымут алмаштыш» регион-влак кокласе семинар ден конкурсым эртарен. Мероприятий Я.Ялкайнын шочмыжлан 115 ий да М.Аюпован шочмыжлан 125 ий теммылан пӧлеклалтын. Семинарышке марий йылмым, сылнымутым йӧратыше 60 утла ўдыр-рвезе ушнен. Нуно шке возымо пашашт дене палдареныт. 1-4-ше, 5-7-ше, 8-11-ше классла коклаште сеныше-влакым ойыреныт да пӧлекым кучыктеныт.

С.АРХИПОВА.

Снимкыште: семинар годым.

Ломбо пушан шошо

Уремыш лектатат, юзо тўняшке логалмыла чучеш. Сирень, ломбо пеледалтыныт. Тамлын-тамлын ўпшалтеш. Садерыште кайык-влак сылнын муралтат. Олыкысо мамыкшудо чылт кечыла коеш. Урем гыч пурымо огеш шу.

Лиза КИТКАЕВА.
Шернур,
Кукнур.

Урокишто онгай

Туныктышеммын лўмжӧ – Рената Ивановна Караваева. Тудо мемнам ятыр ий туныкта. Рената Ивановна урок-влакым онгайын эртара. Туныктышем кажне йочам аклен мошта. Мый тудын дене кугешнем. Кажне ен туныктышо лийын огеш керт.

Юля ЯГОДАРОВА.

Советский, Кельмаксла.

Увер

Мураш, кушташ, семўзгар дене шокташ, сылнын сўретлаш кумылан ўдыр-рвезе-влак, И.С.Палантай лўмеш тўвыра да сымыктыш колледжын калыкле сымыктыш гимназийже тунемаш пагален ўжеш. 1-7 июнышто мастарлыкдал

Таза лий, ковай!

Ковам Н.В.Коньшева Кужэгер район тергыме Васалай ялыште ила. Тудо сурт сомылкам пашам ышта, уныкаже-влакым ончаш полша. Ковам нерген 1975 ийыште «Ўжара» газетыште тыге возымо эртарам. лийын: «Нина Васильевна Салтакъял ушкал комплексш машина дене лўштышӧ операторлан шогалтеныт, коло вич ушкалым ончаш ўшаненыт». «Паша неле лийын мо?» – ковам деч йодым. Тудо вашештыш: «Куштылго огыл. Чот тыршенна. Кеч-могай пашам кумыл дене ыштыман, тунам гына лектыш лиеш». Ковай, таза да кужу ўмыран лий!

Владислав МАМЗОНОВ.

Кужэгер школ.

Российысе увер

Кум ияш деч кугурак кажне кумылан ен «День России!» всероссийский дистанционный музыкальный фестиваль-конкурсышто мастарлыкшым ончыктен кертеш. Йодмашым 11 июнь марте aragorn-studio@mail.ru адрес дене электрон почтыш колтыман.

Марий Элысе еш-влак «Здоровая семья – сильная Россия!» всероссийский спорт фестивалышке ушнен кертыт. «Шуко шочшан Россий», «Калыкын тазалыкше», «Мемнан илымыланна тау!» конкурс-влак, Всероссийский велопробег да молат эртаралтыт.

Российысе просвещений министерстве «Мои школьные годы» акцияым увертарен. Тудо 30 июнь марте шуйна. Онай фотом ыштыман да соцкыллаш #Моишкольныегоды, #Минпросвещениярф хештегла дене верандыман. Эн сай фото-влаклан пӧлекым кучыктат.

Марий Элысе увер

Э.Сапаев лўмеш Марий кугыжаныш опер да балет академический театрын артистше-влак «Акпатыр» оперым кава йымалне нылымше гана ончыктат. Тудо 13 июнышто Курькмарий район Сухин ял воктене лиеш.

Республикасые курчак театрыште «Персонаж любимой сказки» республикасые конкурсым иктешленыт. Тушко 100 утла паша пурен. 22 йоча лауреат лийын.

31 май гыч 11 июнь марте Марий Элыште йоча каныш шотышто «шокшо линий» пашам ышташ тўналеш. Йодышда лектеш гын, 68-19-44, 8-800-707-61-77, 68-19-21, 68-19-04 номерла дене йынгыртен рашемден кертыда.



Авторын фотожо.

Рүдолаште – марий сем

кок тагасыште мастарлыкштым тергеныт. Икымше кечын «Война, Победа, музыка» конференцийште докладштыт дене 1-ше да 3-шо верла дене палемдалтын. Вес кечын оркестр-влакын конкурсышт лийын. Күслен ныжыл йүкшө, ўдыр-влакын мастарын шоктымышт жюриым сымыстареныт. Йоча ансамбль кум произведенийым шоктен да икымше верыш лектын.

В.ГОРОХОВА.

Кугешнен товатлена!

Немда школан Совет Ушем Герой М.В.Лебедевын лўмжым пуымо пайремым торжественно эртарышна. Погынымаште геройын акаже Вера Васильевна лийын. 1964 ийыште тудын ойжо почешак школын пионер дружиныжлан М.В.Лебедевын лўмжым пуымо. Тидын верч пионер-влак кок ий лым лийде тыршенят. Кызыт йоча ушем геройын лўмжым нумалеш, ынде – школ. Ме, йоча-влак, школан лўмжым кўшнө куачаш товатлена!

Захар ТУЛЯНКИН.
У Торъял район.

Кумылым нўлтен

«Экологий – Лўдыкшыдымылык – Илыш» регион-влак кокласе V фестиваль-фотоконкурс радамаште Т.Евсеев лўмеш Национальный тоштер республикысе конкурсым эрарен. Вич тагасыште усталыкым тергаш лийын. Авам дене коктын «Самырык фотонатуралист» тагасышке ушненна да кумшо степеня диплом дене палемдалтынна. Сенгымаш куандарен да вес конкурсышто тагасаш кумылым ылыжтен.

Полина АЛЕКСЕЕВА.
Морко, Коркатово.



Ура-а-а! Газет толын!

Звенигово район Поянсола тўналтыш школыш Поянсола, Нурўмбал, Нурдамучаш ялла гыч 34 ўдыр-рвезе коштеш. Школ пеленысе йочаадыш 44 нўога кажне кечын вашка. Кок пачашан кугу школышто йоча-влаклан тунемаш чыла йўн уло. Пашаче коллективым да тунемше-влакым И.В.Морозова вуйлата. 1-ше ден 4-ше класслам Л.А.Васильева туныкта. Кок классыште – 16 йоча.

– Шочмо марий йылмынам арален кодымо верч ме чылан тыршена. Школышто мероприятийлам лач марла эртарена. Тыште рушла кутырышо йочат марла мутланаш тунемеш. Тўрлў конкурсыш ушнена. «Мыйын Марий мландем» республикысе конкурс йўлаш пурен. Тений тудым кумшо гана эртаренна. Йоча-влак сўрет, фотографий, возымо паша-шамыч дене тагасымашке ушат, – ойла Лидия Аркадьевна.

Ўдыр-рвезе-влак яра жапыштым «Ямде лий» газет дене пырля эртарат, урокышто кучылтыт. Марла йоча газетым 24 тунемше налеш.

Е.ИВАНОВА.



Авторын фотожо.

Икымше классыште тунемше Валерия Суворова газет гоч тўрлў уверым пален налеш, конкурслаш ушна. Вадим Лебедевлан кроссворд ден чайнвордым ышташ келша. А Ирина Танаваева сўретлаш йўрата, сандене шымше ден кандашымше лаштыклам эн ончыч шергалеш. Нуным снимкыште ужыда.

Книгал
луддымо ел
моткоч
йокрок ила.

Е.Вильмонт.



Школысо библиотеке книга тўняш икымше ошкылым ышташ полша. Сылнымутым лудын, икшыве шонаш тунемеш, герой дене пырля ойгыра, куана. Тыге книга йочан йолташышкыже савырна. Кужэнер район Токтайбеляк школысо книгагудышто ўдыррвезе-влакым библиотекарь Л.А.Актуганова кажне кечын вашлиеш.



Тунемме да каныме вер

27 май –
Российыште
книгагудын
кечыже.

Книгагудо – пырля каныме, тўжика дене пашам ыштыме вер.

Л.А.Актуганован вуйлатымыж почеш йоча-влак серы-

ден журналым шергалыт. Кугурак ийготан-влак тунемме программе почеш книгагудышто

8-ше классыште шинчымышым погышо ўдыр-рвезе-влак мари йсылны мутлан утларак шўман улывт. Настя Кошпаева, Иван Сатов, Андрей Изергин,

– Мемнан

тўж сомьлна – йоча-влакым лудаш, книга дене кылым кучаш кумыландаш, – оила Людмила Алексеевна. – Ўдыр-рвезе-влак книгагудышто тунемме программе почеш произведенийлам веле огыл, шкаланышт келшыше уверым кычалаш тунемыт.

Школ библиотекеште 1653 книга аралалтеш. Тышке методике, справочник, учебник, сылнымутан литератур пурат.

зе-влакын лўмгечыштым палемдат. Произведенийлашт гыч ужашым, почеламутым сылнын лудыт. Книгалан, мутерлан пўлеклалтше урокым эртарат. Тўрлў ончерым келыштарат. Ялысе книгагудо дене кылышт пентгыде.

– Тўжалтыш класслаште тунемше-влак книгагудыш тўжикан коштыт. Нуно йомакым, изирак ойлымышым лудаш йўратат. Газет

Полина Иванова, Ксюша Нигамедзянова (снимкыште) книгагудышанле йолташыштан шотлат. Нуно кажне кечын книгагудыш ваикат, – палдара библиотекарь.

Пытартыш ийлаште библиотеке у книга-влак дене шагалрак пойдаралтеш гынат, лудшо-шамыч огыт шагалем. Тидыже чылам куандара.

Е.ИВАНОВА.
Авторын фотожо.

У корным почеш

Кажне книга палыдыме тўняшке корным почеш. Шарнем, тўналтыш класслаште тунемме годым школ библиотекекыш чўкыдын коштынам. Кызыт утларакше 2-3 томан книгагудым лудам. Кажне ужашыште у сюжет-влак почылтыт. Шинча ончылно герой-влакын койыш-шоктышышт келгынрак сўретлалтеш. Тыгай годым лудмым нигузе от чарне, умбакыже мо лиймым пален налме шуэш. Книгам лудмаш ушакылым пойдара. Сочиненийым возымо годым моткоч полша.



Настя ИВАНОВА.

Морко, Коркатово.

#У_мутым_тунемына

Библиотерапий – ойырен налме книга полшымо дене еным эмлымаш. Тиде йўн дене медицинаште але психологийыште пайдаланат.

Лассефилия – книга закладке-влакым погымаш.

Флипбук – шуко сўретан изи книга. Тудым писын лаштыкыме годым сўрет тарванылмыла коеш.

#Луд#Лончыло#Лий_ончылно

Йоча-влак марий книгаг лудыт мо?
Тиде йодышлан вашмутым Марий Турек район Сысоево ялысе книгагудым вуйлатыше **З.М.МУЗУРОВА** (снимкыште) пуа:



– Йоча-влак школ программе почеш лудшаш книгаг утларак налыт. Изирак ийготан йдыр-влак принцессе нерген лудаш йоратат, рвезе-влак – кужык ойлымашым, йомакым. Кугурак ийготан-влаклан фантастике жанран книга келша. Марий йылмым кугыжаныш йылме семын туныкташ тўналме деч вара йоча-влак марий книгаг шагалрак лудыт.

– Йоча-влак школ программе почеш лудшаш книгаг утларак налыт. Изирак ийготан йдыр-влак принцессе нерген лудаш йоратат, рвезе-влак – кужык ойлымашым, йомакым. Кугурак ийготан-влаклан фантастике жанран книга келша. Марий йылмым кугыжаныш йылме семын туныкташ тўналме деч вара йоча-влак марий книгаг шагалрак лудыт.

#Лўмгече

«Ямде лий» 2021 ий 21 май

Лўм: Сусанна Михайловна Георгиевская.

Шочын: 1916 ий 23 майыште, Одессе олаште.

Тунемын: 1936 ийыште Ленинградисе кугыжаныш университетын йот йылме факультетшым тунем лектын.

Паша: Ленинградисе Интернациональный театрыште актрисе, «Пионерская правда» газетыште журналист лийын. «Электроаппарат» заводышто йотэл гыч толшо паша-зе-влакын кусарышыштлан тыршен.

Произведений-влак: «Колокола», «Бабушкино море», «Дважды два – четыре» повесть-влак, «Отрочество» ойлымаш, «Лгунья», «Отец», «Наследство» роман-влак да шуко моло.

Йоча писатель С.М.Георгиевскаян шочмыжлан – 105 ий.

Огай факт: «Ленинские искры» газетыште С.Згут лўм дене печатлалтын.



Произведений-влакым могай жанр дене возымым палыза.

«Отец»

«Тётушка Зубная Боль»

«Тарасик»

«Жемчужный остров»

ойлымаш

повесть

йомак

роман

#Сўрет_ончер



А.С.Пушкинын «Сказка о рыбаке и рыбке» йомакше почеш **Надя ХРУСТАЛЁВАН** сўретше. Морко, Коркатово.

Лудаш кумыланга

Авам – тўн эгертышем. Тудо книгаг лудаш кумыланга. Мўнгў гыч тунеммына годым мыланем библиотеке гыч книгаг нумалын. Тыге мый А.С.Пушкинын, Л.Н.Толстойын, М.Ю.Лермонтовын сылнымутыштым лудынам. Нунын произведенийышт келге шонымашан улыт. Изинек книгаг лудат гын, сайын тунемаш тўнгалат.

Волжский, Сотнур.

Дима ОГУРЦОВ.

Книга У, огай.

Ончена, лудына, каласкалена. Шуко ум пален налына. Лудыш.

Синквейн

Лудшо_ен_ончыльен

Виян шочмо йылме

Тунемше-влак.

Советский, Ёрша.

Палаш огай

2004 ийыште
Российыште «Самая большая книга для малышей» книгаг савыктыме. Тудо 6 метр кужытан да 3 метр лопкытан. Чельтыше – 492 килограмм. Мо огайже: книга улыжат 4 лаштыкан. Кумдан палыме йоча писатель-влакын 12 почеламутыштым тунан верандыме.

– Шочмо йылме виян да келге возан. Садлан марий сылнымут-влакат кумылым савырат. Роман-влак утларак келшат. С.Г.Чавайнын «Элнет» романже ушешем келге кышам коден. Тудо марий сылнымутышто ик эн виян произведенийлан шотлалтеш. Серызе марий калыкын илышыже ваиталт толмым раш почын пуэн, – ойла Виктория.

Е.СЕРГЕЕВА.

Россий Федерацийысе цифровой виянмаш, связь да массовый коммуникаций министерствын окса польшыж дене лудмо.



Авторын фотожо.





КЕ-КЕ-РЕК-
КРЕ-Е-ЕК!

Мыскара странице

Эр кочкышым ыштен, курчакемым кидыш налын, кудывечышке лектын веле шуым, ала-кушеч Петушок куржын тольо. Ваштарешем шогалын, кекырекшым овартыш.

– Кыш! Коран! Мом мый декем пижынат? Мый тылат нимом ыштен омылыс! – ала шорташ, ала куржаш. Пакчаште шогышо корак лүдыктышла шогалын, киде-мым лупшкедем.

Кенета агытанет, шулдыржым шаралтен, ваштарешемак тёрштыш. Кидысе курчакем дене шижде та-а-ак лупшалым, орышо кайык кудывече покшек миенат возо. Шкеже лүдынам... Ынде мом ышташ? Агытаным, кужу почшо гыч кучен, уремыш шүдырен луктым. Ала-кушан шылташ кўлешыс. Кок велкыла ончалым: иктат ок кой.

Ушемак кайыш ынде! Ой, Юмо!

АГЫТАНЫМ
ТУНЫКТЫШЫМ...

Тавыште, кылде-голдо, кылде-голдо шоктен, ведра рүп! волен возо.

– Туштыжо мо тыгай? Айда пеленем! – йолташ ўдырем, кидем руалтен, почешыже шүдыра. Миен шуна. Ченя кувай, вўдвараж дене чараклен, таве омсам петырен. Погынышо калык мо лиймым пален налнеже.

– Вўдым коштал луктын, ведрем темаш веле тўналым, таве пура шентгеч агытан йўк шергылте, а сурткайыкшым шым уж. Тиде, товатат, сайлан

огыл, – чытырен-чытырен ойла Ченя кувай.

Кенета «Кекре-кре-е-е-ек!» шоктыш.

– Мо, тидыже мемнан агытаным йўкшыла шоктас, – ковай ўрын шогале. Таве дек миен, Ченя кувайын вўдваражым коранден шогалтыш. Омсам почо гына, Петушокна вуж-ж-ж веле чонештен лекте. Йол ўмбакаш шогалын, тырын-тўрын каен колтыш.

– Агытаным тавышке мый шылтенам... – лўддем дене ковамлан трукышто ойлен колтышым. Кузе лиймым рат дене каласкалышым.

– Тыгеже ышташ ок кўл ыле. Тудат чонан вет. Илынеже, оза улам манын, шке вержым палемдынеже, – ковай агытанжым чаманен.

– Вес гана ўмбакем ок кержалт! Ынде мый огыл, тек тудо мый дечем лўдеш, – ала агытаным сенен кертынам да ала тудын сусыргыдымыжлан куанымем дене ковайлан чолган вашештышым.

Анжела МИХАЙЛОВА.

«Аш» рифмылан мутаршаш

Изи мўкш ден мўртага

Басне

Изи мўкшлан пашалан пижаш Койылалтыш пеледыш аршаш. Тутло мўйым погаш тўналаш Торашке ок кўл чонешташ. Сылне муро тўнале йонгаш, Чыр-чыр шергылтеш пеш тораш. О-о, тыгай мўртаган пўрымаш, Изи мўкш пала тидым раш. Чонештыш пеледыш коклаш, Ты велнак поген ситараш. Тамле мўй дене темын караш – Сита телым илен эртараш. Мўртагалан мом ышташ? Пыжаш уке, куш пураш? Кочкаш уке, мом пураш?

Вот тудлан толеш мучаш. Вуй йырет кўлеш шонаш, Тыршымет полша илаш. Ит ўркәне тунемаш! Тидымат кўлеш палаш.

Л.А.СОШИН.

Морко район.

Синквейн

Агытан
Кугу, сылне.
Муралта, арала, ўжеш.
Шурным кочкаш йўрата.
Сурткайык.

Р.Г.АНТРОПОВА.
Советский, Ырша.

Чыве ялыште

(«А» гыч «Я» марте)

Агытан, Борис, вўтасе гармонист дыр? Ешартышлан жапын-жапын ик йўк – Ке-ке-рек-кре-е-ек! – лектеш. Мураш нимынярат огеш ўркәне. Пырля Райса, Салика, Тайра улыт: ўдыр чыве-шамыч. Цыц! Ынде эх юарла яришка.

«Русская словесность» кружокын енге-влак.
Волжский, Сотнур.

Изи ўдыр шке селмынже мутлана:
– Палаш оңай, шеме да ош ушкал икте-весьшт деч мо дене ойыртемалтыт? Мыйын шонылаште, ош ушкал шўрым пуа, а шеме – кофем...



Еш гай школ

Школ – тиде кугу еш. Тушто ме, йоча-влак, шуко жапым эртарена, ятыр йолташым вашлийына. Школ – сай энгертыш. Тудо кажне икшывылан шокшо кумылым да куаным пӧлекла. Туныктышо-влак ача ден авам алмаштат. Нуно ончыкылык илышлан ямдылат, келге шинчымашым пуат. Сандене школым ўмыр мучко поро мут дене веле шарнена.



Ангелина КУТЕРГИНА.
Морко, Шўргыял.

Пакчасаска тургым

Пакчасаскам шындыме жап толын шуо. Ял мучко трактор йўк шергылтеш. Ме еш дене паренгым шындышна. Мыят пашашке ушнышым. Шыжым паренгым погаш полшем.

Костя
ШЕХУРДИН.
Шернур, Кукнур.



Фотом еш архив гыч налме.

Оксам кучылташ тунем



Сото телефон тарифым шулдыраклан алмаштыза.



Кочмывер ден кафешке шуэнрак коштса. Кочкышым, вўдым пелен налза.



Вўдлан, газлан, туллан сётчикым шындыза.



Канаш оксам шагалрак кучылтса.



Тазалыклан энтегым кондышо кочкышым ида нал. Кенежым пакчаште кушшо саскам кочса.



Кевыглаште шулдырак, но кўлешан арверым ойгырыза.

Лектам уремыш каналташ, Яндар юж дене шўлалташ. Авамлан мый полшаш вашкем,

Йырагыш вўдым пеш шавам.
Дарья РЕЧКИНА.
Кужэнгер,
Руш Шой.





Рекламе.

23 май – Черепахын тўнямбал кечыже.

черепахе сынан «окса мешакым» (копилкым) ыштыза.

Сўретым ончен,



23 май 16:00

МАРИЙ КУЛГАШЫН АРАМЕ ТЕАТР

FOLKS 6+

КАССЕ 8(8362) 78-13-78 SHKETAH.RU

Изин ыштымат кугу пашам ончык колта.
Калыкмут.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари-Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогым эскерыше Федеральный службын Приволжский федеральный округысyo управленийыштыже регистрироватлыме.
Номер – ПИ №ФС 18-1999, 2005 ий 10 февральыште пуымо.

0+

Печатьыш пуымо жап – 14-00, фактически – 13-00

Авторын да редакцийын шонымашыш тўрлў лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издателын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пўрт. Тел. 8(8362) 45-22-82(факс)



Конкурс

Кирилл ДОЛГОВ.
Волжский, Пётъял.



**Кидмастар
Улам**

3-шо «А» классыште тунемше-влак.
Татарстан, Агрыз, Буймо.



Лыве-влакын
умылкаштым
муза.

**Математике
кроссворд**

2		3	=	5
		+		
5	x		=	10
=		=		=
10		5	=	15

**Кеҥежше-
телыже - ик
вургемже.**

Туштым
палыза. Могай янлык тудын
шенгекше шылын?



2

Ойыртём-влакым муза.
1-ше заданийыште шылше
янлык воктене кийыше
мечым шарнен кодса.




Рекламе.

ПОДПИСКЕ

2021
ийын кокымшо пелийжылан
«Ямде лий» газетлан
возалт да квитанцийын
копийжым редакци-
йышке колто.

**Подпискым ыштыше-
влак коклаште лотерей
модыш эртаралтеш.**
Тўн приз - самокат.



**Ак - 363
тенгеат
18 ыр.**

Индекс - П4696.

Примерым чын шотлыза.

+ × =


У мутым тунемына

Пералтыш

Пералтышым кузе шындаш?
Йодат тый мый дечем, йолташ.
Мутлончо ден тунем ойлаш,
Лиеш тылат пералтыш раш.
Марий мутерышке ончал,
Кузе возалтын мут, кычал.
Вара огеш лий экшыкет,
Возаш тунем шуат тый шке.

Н.Д.ИЛЬИНА, туныктышо.
Волжский, Карай.


Сўретым
чийалтыза.



**2-шо заданийысе мечым
ончыктыза.**

Рвезе ден ўдырын мечыш-
тым шотлыза. Кўн шукырак?

3



Рвезе ден ўдырлан лабиринтым
эрташ полшыза.

4

Сўретым ончен, фигурым
сўретлыза.

